



Broj: 16-12-16-2-6078-*13* /16  
I. Sarajevo, *07-12* 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 26. i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za nabavke za potrebe Državne agencije za istrage i zaštitu u 2016. godini broj 16-12-16-2-6068/16 od 06.12.2016. godine, u postupku javne nabavke policijske opreme za potrebe Jedinice za specijalnu podršku Državne agencije za istrage i zaštitu, direktor Državne agencije za istrage i zaštitu, d o n o s i

### ODLUKU

o izboru najpovoljnijeg ponuđača u ograničenom postupku za dostavljanje ponuda za javnu nabavku policijske opreme za potrebe Jedinice za specijalnu podršku Državne agencije za istrage i zaštitu

#### Član 1.

U ograničenom postupku za dostavljanje ponuda za javnu nabavku policijske opreme za potrebe Jedinice za specijalnu podršku Državne agencije za istrage i zaštitu za koji je obavještenje o javnoj nabavci broj 1161-2-1-797-3-57/16 od 07.10.2016. godine, objavljeno na Portalu javnih nabavki i u „Službenom glasniku“ BiH broj 79/16, ugovor o kupoprodaji dodjeljuje se i to:

a) za Lot 1 - Nabavka 20 komada automatskih pušaka kalibra 9x19 mm, ponuđaču „KM TRADE“ d.o.o. Visoko, ponuda broj 16-12-16-2-6078-11/16 od 30.11.2016. godine, za ponudenu cijenu od 89.000,00 KM bez uračunatog PDV-a;

b) za Lot 2 - Nabavka 20 komada balističkih kaciga sa komunikacijom, ponuđaču „SHOT“ d.o.o. Zenica, ponuda broj 16-12-16-2-6078-12/16 od 30.11.2016. godine, za ponudenu cijenu od 85.000,00 KM bez uračunatog PDV-a.

#### Član 2.

Ponuđač iz člana 1. ove odluke obavezan je ugovornom organu u roku od pet dana od dana prijema ove odluke dostaviti dokaz o ispunjavanju uslova iz člana 45. Zakona o javnim nabavkama i člana 9. Pravilnika o postupku dodjele ugovora u oblasti odbrane i bezbjednosti (original ili ovjerena kopija).

#### Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internet stranici Državne agencije za istrage i zaštitu.

#### Član 4.

Za realizaciju ove odluke zadužuje se Sektor za materijalno-finansijske poslove Državne agencije za istrage i zaštitu.

## Član 5.

Ova odluka stupa na snagu danom donošenja.

### O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-2-6078-1/16 od 07.10.2016. godine, a na osnovu saglasnosti ministra Ministarstva sigurnosti Bosne i Hercegovine, broj 04-16-4-6685-3/16 od 30.09.2016. godine, pokrenut je postupak javne nabavke policijske opreme za potrebe Jedinice za specijalnu podršku Agencije, procijenjene vrijednosti 175.220,00 KM bez uračunatog PDV-a, za šta su novčana sredstva obezbjeđena u okviru budžetskih sredstava za 2016. godinu.

Prema Tenderskoj dokumentaciji odabir ponuđača za javnu nabavku policijske opreme putem ograničenog postupka provodi se u dvije faze i to:

- Faza I - pretkvalifikacija i provjera kvalifikacije kandidata;
- Faza II - dostavljanje ponuda kvalifikovanih kandidata.

U Fazi I - pretkvalifikacija i provjera kvalifikacije kandidata Zahtjev za učešće u postupku javne nabavke policijske opreme dostavili su sljedeći kandidati:

- a) "SHOT" d.o.o. Zenica;
- b) "KM TRADE" d.o.o. Visoko.

Nakon provedene Faze I - pretkvalifikacija i provjera kvalifikacije, Agencija je na prijedlog Komisije donijela Odluku o rezultatima pretkvalifikacije u postupku javne nabavke policijske opreme za potrebe Jedinice za specijalnu podršku Agencije broj 16-12-16-2-6078-6/16 od 31.10.2016. godine, prema kojoj su kvalifikovani kandidati „SHOT“ d.o.o. Zenica i „KM TRADE“ d.o.o. Visoko.

Agencija je kvalifikovanim ponuđačima dostavila Poziv za učešće u ograničenom postupku javne nabavke policijske opreme, prema kome je postupak javne nabavke podijeljen na lotove i to:

- a) Lot 1 - Nabavka 20 komada automatskih pušaka kalibra 9x19 mm, procijenjene vrijednosti 89.750,00 KM bez uračunatog PDV-a;
- b) Lot 2 - Nabavka 20 komada balističkih kaciga sa komunikacijom, procijenjene vrijednosti 85.470,00 KM bez uračunatog PDV-a.

Obzirom da je tačkom 22. Tenderske dokumentacije navedeno da je rok za dostavljanje ponuda 30.11.2016. godine do 12,00 sati, to je Komisija dana 30.11.2016. godine u 13,00 sati izvršila otvaranje ponuda, gdje je utvrđeno da su blagovremeno dostavljene dvije ponude, kako slijedi:

Redni broj	Naziv ponuđača	Lot	Vrijednost ponude (bez PDV-a)
1.	"KM TRADE" d.o.o. Visoko	Lot 1	89.000,00 KM
2.	"SHOT" d.o.o. Zenica	Lot 1	89.500,00 KM
		Lot 2	85.000,00 KM

Komisija je aktom broj 16-12-16-2-6078/16 od 30.11.2016. godine od Jedinice za specijalnu podršku Agencije tražila stručno mišljenje po pitanju zadovoljavanja postavljenih tehničkih uslova iz Tenderske dokumentacije. Prema Mišljenju Jedinice za specijalnu podršku od 02.12.2016. godine, dostavljene ponude ponuđača "KM TRADE" d.o.o. Visoko za Lot 1 i ponuđača "SHOT" d.o.o. Zenica za Lot 2 zadovoljavaju tehničke uslove iz Tenderske dokumentacije, odnosno u potpunosti odgovaraju tehničkim karakteristikama tražene automatske puške u kalibru 9x19 mm, odnosno balističke kacige sa komunikacijskim setom, dok ponuda ponuđača "SHOT" d.o.o. Zenica za Lot 1 ne ispunjavaju tehničke uslove iz Tenderske dokumentacije, odnosno ne odgovara tehničkim karakteristikama tražene

automatske puške u kalibru 9x19 mm, s obzirom da ponuđena puška ne ispunjava tražene karakteristike dimenzija, težine i nema traženi režim paljbe.

Cijeneći naprijed navedeno, uz uvažavanje stručnog Mišljenja Jedinice za specijalnu podršku Agencije, Komisija je ocijenila da je za Lot 1 najpovoljnija ponuda ponuđača "KM TRADE" d.o.o. Visoko, da ista ne uživa preferencijalni tretman domaćeg i ne premašuje procijenjenu vrijednost nabavke, dok je za Lot 2 najpovoljnija ponuda ponuđača "SHOT" d.o.o. Zenica, ista ne uživa preferencijalni tretman domaćeg i ne premašuje procijenjenu vrijednost nabavke.

Shodno navedenom, prihvaćen je prijedlog Komisije i odlučeno je kao u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od deset dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x,
- Sektoru za mat.-fin. poslove,
- a/a.

